

四庫全書

集部

欽定四庫全書

集部  
斐然集卷三

詳校官贊善<sub>臣</sub>朱紱

主事<sub>臣</sub>呂雲棟覆勘

總校官編修<sub>臣</sub>王燕緒

校對官編修<sub>臣</sub>李堯棟

謄錄監生<sub>臣</sub>王鉞

欽定四庫全書

斐然集卷三

宋 胡寅 撰

古今豪逸自放之士鮮不嗜酒以其類也雖以此  
致失者不少而清坐不飲醒眼看醉人亦未必  
盡得蓋可致矣予好飲而嘗患不給二頃種秫  
之念往來於懷世網嬰之未有其會因作五言  
酒詩一百韻以寄吾意雖寄古人陳迹并及酒

德之大槩以為開闢醉鄉之羽檄參差反復不能論次也同年兄唐仲章聞而悅之因錄以寄

庶幾茲鄉他日不乏寶鄰爾

辛亥

美祿無過酒星泉奠兩儀端由皆作聖意趣少人知肇命惟元祀迎春祝壽祺功深資藥石力厚起疲羸若羨千鍾美休嫌九醞遲忘情惟大禹無量乃宣尼杯飲觴初濫留連禍始基先王防以禮後世利其資默識人情異叅稽俗習移放懷無事矣問口縱言之惑溺終長夜

奢殘竟作池包茅齊服楚奏鼓旂征義大澤斬蛇後當  
爐折券時彭城正高會睢水已填尸謫去憂占鵬歸來  
喜受釐餅盆感田父鋪餽念湘纍壑谷中宵問糟丘一  
簣虧怒排樊噲盾吐卧允之順擊憤籠錢鳳爭權殺魏  
其脫靴慚力士飛燕忤楊妃司隸要殊切虞人獵已馳  
魏文敦信義王猛用鈐鉞有客言雖吃何人字識奇裸  
身荒已甚滌器事還卑軟飽深形頌醒狂屈受譏雖將  
齊物我亦合悼功總渭水歌初闕高陽伴蚤稀湖船回

太白水殿燕西施薤露停杯唱鯨魚入海騎緬懷七子  
會悵望八仙期瀟灑斜川影風流曲水湄日斜休百拜  
壘恥便三辭頭上巾頻漉腰間鍤自隨諒難操北斗且  
復坐東籬西海桃垂實南山豆落萁無違商士誥宜葺  
杜康祠李脫朱溫宰劉為石勒縻死生當有在王伯豈  
由斯五斗醒方解三人影對嬉高談傾坐聽痛飲亦吾  
師責味曾圍魯提筒更憶郢安能洗晏粉聊復漲黃陂  
章子以孝顯鄴舒因俊危夫妻不成屬父母或貽懼詎

比華茵污寧虞窟室墮壁懸疑角影車載號鷓夷口不  
掛臧否醢循和薄醅立苗諷鋤惡種秫待充飢雨落香  
檀注春融綠髓脂雲輕浮蟻子金嫩寫鵝兒滴滴葡萄  
顆涵涵鸚鵡卮胸吞九雲夢筆走萬蛟螭風月江山好  
賓朋笑語宜繡簾初靜捲銀燭已高垂儼雅神仙坐紛  
羅水陸奇色深迷琥珀光溢艷琉璃綠笛翻羅袖紅潮  
上玉肌獻酬俱繾綣沾洽盡融怡不問簷花落惟愁晝  
角吹初筵何抑抑屢舞忽做做寒食梨花發重陽菊蕊

披龍山猶可想洛浦尚能追月滿倚瓊樹雨餘攀柳枝  
高飛鴻鵠遠左手蟹螯持賢聖分清濁青齊辨等哀市  
沽難共食家釀恐成私算爵商壺矢忘杯泥夾棋資深  
酣道韻端的露天倪翠竹沉雲色醪醑浸玉蕤過咽輸  
浩渺赴吻重連漪捲盡青荷葉顛飄白接籬埜畦供鼓  
吹幽鳥奏塤箎但看朱成碧那知玉作瓷長瓶卧荒草  
山郭颭青旗目井欣投轄窺門悵繫驪提壺留客住杜  
宇勸人歸碧嶂下紅日飛霜點黑髭邠原良自苦畢卓



未為癡處士林泉適騷人景物悲放臣離國恨遷客去  
鄉思須藉杯中物聊舒鏡裏眉暫時澆磊砢到處吐虹  
霓但戒零霜露無勞灑涕淚從教禁網密莫遣醉鄉迷  
為沃塵生肺應防水尅脾破除閒病惱斷送老頭皮埋  
玉空煩酌揮金莫計貲三行何法制五齋孰官司喜怒  
或交作陰陽因并毗達人眇天地曲士謹毫釐夜汲文  
園井朝餐大谷梨渴心便淥醕大戶怕甘醅滋味將何  
比經綸倘在茲一尊常準擬三頃要耘治吾道久榛莽

世途多虎豹黃封憶內醢  
締繡念宗彝傳說膺新命  
曹參守舊規羣生思覆護  
寰海厭澆漓倘負膏肓疾  
須憑國手鑿欲傳方法者  
把盞詠吾詩

送黎才翁往荆門

聖道原來不易窮君今何處覓  
同風唐虞世遠精神在  
鄒魯人歸事業崇德性未尊  
須強學道心纔勝即收功  
他時杯酒論睽濶應有微言  
激懦衷

文定題范氏壁次韻

四海兵戈裏一家風雨中逢人問消息策杖去西東歷  
數前朝亂何曾掃地空山居自有樂時對主人翁

初至青湘聞安仁帥司為曹成所襲四首

壬子

風急灘聲亂雲紅雪意酣空庭初霽集寒硯忽冰涵天  
造推移密人情冷煖諳江頭聊問信春到一枝南

稅鞅年華暮圍爐夜飲酣雪梅清共映沙水凍相涵遠  
意人誰會殊方俗未諳前令發湖北今日滯湘南

有道持危國無人識素書屢驚時易失更覺意難如莽

莽旌旗暗紛紛組綬紆白雲  
一天地今日又遷居  
結束趨安地征營報急書  
諸軍聞好在元帥竟何如  
歲晏風雲慘天低嶺海紆  
悲歌撫長劍吾道敢懷居

題嶽麓西軒三絕

偶向紅塵得此生  
歲寒松竹尚多情  
道人亦有生前契  
幽處開軒巧見迎

月戶風窗悄不扃  
靜中真樂故難名  
山泉未識幽人意  
自作穿林寫壑聲

山雨冥濛久未晴  
袖中長笛為君橫  
一聲吹破浮雲色  
歸去呼船載月明

題指南軒二絕

老屋蕭疎四五椽  
瓦爐香冷斷諸緣  
客來若問名軒意  
莫似維摩但默然

軒轅逸駕已旋歸  
赤水玄珠却背馳  
南去北來何處是  
坐令楊子泣多岐

和鄧友直

坐看嘉樹溢枯流快作南江汗漫遊  
曉岸林巒光寫鏡  
夜窗風露冷涵秋  
謏聞豈解論三豕  
澁思真如曳九牛  
但喜維舟時接席  
一篇珠玉勝封侯

示黃岡長老二絕

歸興逢山便解頤  
上人多思乞留詩  
千岩萬壑經行處  
他日煩師覓舊題

落日溪橋佇立時  
溪雲歸盡月生遲  
溪聲漏洩真消息  
借問溪翁却不知

題上饒半月岩四絕

何年落月掛蒼山，長似瑤梳插翠鬟。  
擬琢半輪營魄處，莫教如玦只如環。

瓊樓玉宇匝天開，織女天孫靜往來。  
月姊故應差老退，譴除私館墮岩隈。

每見雲端上下弦，遙憐破鏡兩娟娟。  
願移此景蟾宮去，日月當令一再圓。

非關狡兔月中藏，肯與癡蟬飽寸腸。  
只恐世人嫌冷看，

故依雲岫掩寒光

題郭伯成畫竹月岩寺

夫君自是雪霜姿落筆風生更不疑  
留向岩前弄明月  
桂枝相伴影參差

題郭伯成畫竹道傍人家作雨勢

可但文翁會寫真典型今見一枝新  
含風帶雨蕭然意  
共看林宗墊角巾

過疎山題一覽亭梁谿公所書也二首



手遮西日到疎山忽得昏鴉斂翅間未暇拈香參佛祖  
且須襖被扣禪關月林散影參差靜風磬傳音窈渺間  
擬買一廛通水竹杖藜他日寄疎頑

林梢斜月墮金盆接影蒼茫白露灑欲倚小欄收遯景  
試憑長嘯卷遐昏寒山濯濯空堆皺堦水瀾瀾不待源  
莫道此亭觀覽富未如賓日上天門

同余汝霖遊西湖觀天竺觀音永懷林和靖三絕  
莫話蔣陵陳迹青松翠碧躋攀此別再遊何日夢魂長

遶湖山

岩前晴日蔭樹林下微風采蘭臨水更無塵想望雲時  
有遐觀

劫火不燒大士寒泉誰薦先生跋馬與君弔古西風落  
日淒清

初歸范伯達弟相會夜歸有成

亂後風塵稍破昏歸來骨肉喜全存飲君竹葉醉不惜  
映我梅花香正繁問學據今宜了了唱酬從此定源源

夜寒踏碎灘頭浪為篤平生友弟恩

癸丑元日文定時留豐城今歸青湘唁家

去年已向爆聲殘曉氣絪縕雨不寒玉佩想聞趨桂殿  
綵衣遙祝獻椒盤千齡帝運方更始一統王春正履端  
不與時光共流轉此心那更覓人安

和仁仲春日十絕

雪後雲收萬里天春從何處著山川紅邊綠外無窮思  
莫道今年似去年

氣決高深物物蘇問言還有欠春無桃紅李白猶閒事  
麟鳳應來瑞此都

雨細雲輕隱隱雷東君行樂正徘徊欲教遊客留連醉  
須放名花次第開

莫笑遊人冷落時風光流轉不須疑去年草色空成恨  
今歲花光又滿枝

燕舞方酣鶯又啼草堂春睡日平西枝頭有酒尋花去  
小雨冥冥漸作泥

行春對酒滿壺頻樂此春風自在身須信壺中春不老  
何人作計強留春

年年綠水送殘紅不怨東君只怨風芳草連雲愁更遠  
勸君當醉萬花中

萬卉千葩自不同吹開只是一般風對花不見花開處  
却恐嬉遊興易窮

洛陽風俗事栽花流水園林眇一涯移得舊根春不老  
錯疑蜂蝶過隣家

陋巷當年只屢空于今還詠舞雩風已推寶瑟鏗然後  
莫認青春醉眼中

將次鍾鄉先寄處厚唐文癸丑

試問雲山數歲華寒梅吹盡兩年花倦遊吳楚六千里  
幸脫兵戈三四家那用有田從桀溺且欣無疾住毗耶  
欲將別後從頭說滿眼春酤盡更賒

元院冠

一行作吏擲分陰世路塵勞滿客襟三語風流埽夢想

十年書問寄浮沉  
門前種柳春光好  
堂上鳴絃古意深  
別後新詩都覓取  
對哦相淥醉還斟

再遊嶽麓示法光其隣道林人言陶士衡舊居也

五絕

雄城千雉壓江橫  
倒影蛟龍十里明  
欲倚危欄舒遠眺  
東風無力暮雲平

火宅清涼定幾時  
三車門外世終迷  
青蓮紺宇憑何住  
片雪紅爐只自知

樓船東下啓扶桑千古英明日月光未必此心如古井  
且應蒼檜比甘棠

舊詩不省作何言新句無奇墨亂翻要是雲山通宿契  
故將文字寄深論

草堂何日傍雲根借問隣家兩足尊欲買漁舟繫江樹  
先憑屐齒記苔痕

題湘西小景

身在山中不見山山前行客未能閒何人水墨秋毫外



十里湖西尺寸間

題浯溪小景

卜宅元郎豈偶然江山千古共流傳  
乾坤巨石知多少待看中興第二篇

自勝業寺過銓德觀

出岫無心倦即還悠然信馬望南山  
忽驚蓮社青萍合却到蓬壺白日閒  
方士內丹論九轉導師平地設三關  
不知洙泗真消息誰可相期一解顏

題銓德秋聲堂

紫極題詩歲月深秋風懷感重沉吟殷勤種此一庭玉  
回薄依然萬古心獨有佳名追綵筆誰將幽思入瑤琴  
蕭蕭醉掃筆池石水月光中覓至音

和鍾漕汝強四首

霧豹成文不厭深喧卑何事競翰音為言墨客誇三賦  
那似仙翁振八吟欲繼高蹤其敢後下看浮世豈須臨  
何時蠟屐携節杖來撥衡雲一萬尋

丈人愛客酒杯深更和南山白石音  
大戶不知濡首節  
逸才應笑撚髭吟  
箴規有過風雷益  
傲策無窮地澤臨  
每憶向來談讌處  
桃花流水路難尋

風日薰薰草樹深  
黃鸝遷木送新音  
有懷春服成雩詠  
遙想青山伴醉吟  
詩老幽棲雖地僻  
聖君高拱正天臨  
未須靜處論方藥  
會見蒲輪遠訪尋

雲自高閒水自深  
此間誰契不傳音  
倦飛偶作歸田賦  
高卧時為梁甫吟  
為已宮牆當獨詣  
過門車馬肯相臨

惟公知我迂愚甚狂直何曾較尺尋

和曾漕吉甫

本來秋月映澄潭牆面猶須學二南徑路枉尋難直尺  
卮言暮四等朝三文如楮葉何勞刻道在蒲團恐費恭  
玉帛雍雍王會處禹宮惆悵一精藍

題雲峯齊雲閣示佳山思達二絕

舒捲高低晴復陰澹然無滓亦無心不知底處相齊得  
且倚危欄一散襟

秀色參差千萬端  
浩然無碍碧天寬  
上人若見相齊處  
試與憑欄指似看

題淨明觀

長官永操正飄纓  
嘆息東流宰木青  
佳句不隨方士化  
故應留作換鵝經

題劉練師屋壁

誰言無路出塵氛  
丹灶初聞一語真  
窗外未堆千嶂玉  
坐中先盜一壺春

題草衣岩

石室流傳一草衣草衣消息了無違此山只是如如體  
休向山中覓祖師

臘雷春雪示吉甫

甲寅

曉色空明衡嶽南一塵那復隔仙凡貫時松竹色自好  
破臘雷霆聲未咸萬里蛟綃開步障千金火浣試春衫  
漁舟不與人供畫獨駕雲濤月滿帆

同邢子晉范伯達遊方廣二絕

黃梅作雨暗朝曛  
山北山南路不分  
知我與君非俗駕  
曉天收盡五峯雲

又

瑤堦金殿湧青蓮  
此是南山小有天  
詩客若為深避酒  
道人無奈不叅禪

仲秋赴伯達浴兒會不見月

準擬清光滿十分  
論文那用醉紅裙  
天公有意韜陰采  
風伯無威掃電雲  
東道浴兒方洗腆  
南齋留客更殷勤

朦朧碧澗三更路  
衣袂翛然桂子芬

將遊上封先寄南臺王老

浙浙風搖玉露秋  
尚懷分柿半山不  
衆香肯共維摩飯  
元亮聊同惠遠遊  
蒼蔚彫零岩壑露  
佩環清越澗泉幽  
青鞋本自無泥滓  
更約諸峯最上頭

登上封三絕

仰止高高幾夢思  
躋攀乘興遂忘疲  
直須駐足青冥上  
方信前山次第卑



山下陰晴只蔽虧  
山中烟靄更迷離  
天風忽與遊人便  
吳楚屯雲萬里披

北斗回杓正指西  
丹梯從此與天齊  
為君挹注銀潢水  
一洗人間火宅迷

和上封洪辯用明察院韻

繡衣御史有前聞  
衲子禪師亦好文  
出稟聖謨蘇瘵俗  
坐持詩律戰魔軍  
訪尋水石閒招隱  
際會風雲偶策勲  
喧寂兩忘歸一致  
此心何處不超羣

同宣卿和仲仲達遊上封值雨而歸時上封辯病  
南臺珏同行

不到峯頭正一年茲遊新客更超然淨名不語元無病  
惠遠同行定有緣風雨不期相邂逅雲山未許獨留連  
歸途絕景何人見萬頃銀濤漲楚天

酬宣卿見和

不向杯中覓聖賢獨於山水意脩然相門事業方傳世  
官路升沉祇信緣萬卷圖書資博約九衢車馬任顛連

翠微卜宅須相近且住蓬壺小有天

宣卿  
不飲

謹次家君元日之韻

乙卯

薰然和氣爆聲殘賀客充庭上慶牋令節共欣元會日  
本朝新數中興年仰觀北斗書王正合起東山付國權  
天祐斯文知有在稱觴還詠福如川

和宣風寺壁間韻

客夢到何許南山桃李園未能忘蠮屐何意謁金門願  
舉漢三傑盡戲周陸渾虎皮包劍戟農務看村村

遊三角寺

再遊三角寺勝踐十人偕  
雨後林巒媚心同笑語諧  
碧蘭初秀畹紅藥漸翻階  
若問經行意春風寫客懷

酬邦鑑見和

恭誦親征詔戈矛與子偕  
叛徒三鼓竭凱奏八音諧  
上主開宣室羣公擁泰階  
慚無經濟學感激漫裝懷

和路樞四首

圖書雖是舊生涯翰墨那能掞國華  
戲綵便甘辭五馬

退朝猶想覆千花  
先民事業高三代  
將聖春秋自一家  
他日登門謝佳句  
劇談當許岸烏紗

前籌初見翊元樞  
何事扁舟泛五湖  
脫屣紅塵誰肯辦  
挂冠黑髮世應無  
願陪几杖登南阜  
遙想氛埃暗北區  
晚節功名端不免  
雲臺依舊矗天都

林壑蒼茫渺一涯  
辱公詞藻借光華  
大聲豈直金投地  
清夢懸知筆有花  
不似罷兵初度嶺  
應同奏疏早名家  
曳裾未愜平生志  
常恐追鋒侍絳紗

進退行藏合道樞詎分廊廟與江湖願陪東閣留賓後  
定向南山卜宅無不為避喧隣懶瓚祗緣嘗藥訪臾區  
勉搜累句酬高韻端似無鹽筮子都

子正生日以黃柑為壽

丙辰

正論風流不辱親高文還稱掌絲綸豈惟補袞須詞伯  
自是安邦出諍臣歲晚已回松柏操時來休愛水雲身  
欲為公壽倡優拙戲遣商山四老人

和余汝霖雪七絕

無數天花鬪舞風迷離玉色映寒空共誇破臈逾三白  
更喜新詩報屢豐

雖無諧謔去相携且乏輿梁濟涉溪之子惠然須痛飲  
醉眠應夢鎮幃屏

日日東園探早梅那知一席萬林開君詩還似揚州句  
掃盡因風柳絮才

周宣闢國號中宗六月興師灑汗同莫為苦寒辭出塞  
采薇歸戍亦論功

燕山大雪暗邊雲將士何人欲賜勲聞道玉宸溫詔出  
絕勝純續被三軍

低唱誰家有女伶映窗那用讀書聲何當翠被同君獵  
得獸雄夸得句新

朱老能詩更謹虔葉公好學亦窮年飢寒共保凌霜操  
未羨重裘食萬錢

再和

紛紛狼籍下天風萬里寒光鏡色空莫學袁安但高卧



也須斗酒醉新豐

迥眺層臺酒屢攜  
千風攢玉映瑤溪  
南枝更有東風面  
未減爭妍燦瓠犀

今年花是去年梅  
又對春風一笑開  
不似飛霞能頃刻  
香中更有和羹才

埋玉腰間覓性宗  
儒冠謀道有誰同  
筆尖凍折新詩就  
但可徒收翰墨功

猛將謀臣氣靄雲  
興邦雪恥在奇勛  
因思衛國瓊瑤報

更憶吳人組練軍

劍峯犀利拙優伶  
果聽淮南奏凱聲  
陰翳便隨朝雪盡  
東風還放曉光清

自笑兵厨吏不虔  
凍醅如蜜口年年  
却思踏雪江頭路  
屢費詩人一斗錢

歲除示汝霖三絕

柏酒椒花又盍簪  
莫將談笑枉光陰  
自憐四十無聞者  
欲問如何不動心

邂逅遮留閱歲寒  
山肴溪藪且同盤  
不憂絕學商量少  
只怕新詩屬和難

紫蓋峯前萬壑流  
長松脩竹與雲浮  
欲分一半誰人可  
子若能來亦易謀

和汝霖三首

丁巳

客思如春日日深  
莫令鷓鴣損芳陰  
忽逢佳士能傾蓋  
那用高眠有抱衾  
陌上正歌歸緩緩  
尊前聊酌夜沉沉  
君詩也得池塘夢  
沈謝風流尚可尋

聖門功業海同深大禹猶曾惜寸陰  
知有詩書消永日不將狐貉愧寒衾  
定心應已觀川逝濶步何須歎陸沉  
聞道北山蘭正好果堪紉佩即幽尋

桃李無言春事深便看園樹欲交陰  
永懷北固吹長笛一醉春風典破衾  
金羽喜從幽谷出錦鱗貪引翠竿沉  
好傳消息晞曾點莫把平生問李尋

和朱成伯

却却官身未許收江山到處發詩愁  
弄縑西上今將老

襖被東來又欲秋  
安得紫簫橫鶴背  
漫從清釣覓羊裘  
黃梅正作冥冥雨  
每詠新篇興轉悠

瀾翻筆墨浩難收  
妙處端能浣客愁  
落筆千章輕萬戶  
思君一日勝三秋  
持身貴比琥璜爵  
得句精如狐白裘  
應有二南風骨在  
令人輾轉更優悠

荷花

夢到南塘翠蓋稠  
姹然得意斂然羞  
驚鴻遠映朝霞色  
白鷺先窺霽雨秋  
裊裊芳馨煩折贈  
霏霏涼吹想追遊

天花欲試維摩病衣袂何曾一片留

酬諸同官見和三首

初看綠淨已紅稠有艷無情不障羞  
依倚鉛華閒寫鏡  
霏微風露早涵秋  
虎溪香社應難入  
玉井長梯未許遊  
同賦諸仙語皆妙坐令芳色句中留

蘭塘清暑瞰稀稠早見排房結子羞  
照水華燈宜獨夜  
薰香翠被欲爭秋  
潛珍不薦霓裳步  
凝佇誰同漢女遊  
欲種此花須摘實  
自憐踏藕漫淹留

莫道同時岸卉稠  
背萱無態側葵羞  
金蓮未實猶韜日  
玉節深藏更耐秋  
肯把仙姿供鷺悅  
故標高致待龜游  
期君秀色蓮峯似  
終古名垂華岳留

和信仲喜雨二首

雲漢吁嗟墮杳冥  
德音雷動走羣靈  
天心自契犧牲禱  
田畯先聞黍稷馨  
簾捲西山增爽氣  
水通南澗漫平汀  
一篇可嗣東坡記  
北榭今成喜雨亭

天公知我亦頑冥  
不許山川借寵靈  
何事民謠為膏澤

祇因君德薦明馨  
梗楠未厭雲迷谷  
鷗鷺初便水漏汀  
試攬秋光澄北榭  
千峯爭翠度岩亭

禱雨

久閱天公澤焦然品彙情過雲虹屢飲擊海電空明禱  
祀山川遍薰修道釋并帝心終閱物國力未休兵帽覆  
烏龍頂軍移黑蟻營乍看雲葉密遙想浪花平早熟攬  
先刈高荒趁晚耕歸逋庭少訟交潤水無爭喜氣連城  
洽餘波集澮盈蕉心重自展荷葉密相傾菊映蘭蕪茂



松連竹共清杯觴初料理書帙尚縱橫欲賦田園樂猶  
慚組綬縈隱淪千古重名利一絲輕釣客風流遠農師  
局次生庶幾逃責罰戶戶有坻京

酬信仲見和二首

數篇新雨意真見古人情當拜王靈及非闕祀事明雷  
聲空自碾雲氣不相并試為驅潛物安能役鬼兵曉來  
聞鵲啖座上掃蠅營地脉沾濡遍天心賦與平遠慚白  
水政坐想有莘耕各競千峯秀誰平兩港爭稻花重撲

撲蓮臉更盈盈但欲禾麻穠無令棟宇傾教心蘧叟化  
官況伯夷清霽電金蛇掣晴霞綺鳳橫仙人歸縹緲詩  
客思紆紫句肩餘霏妙人涵晚吹輕故園三徑綠新水  
半篙生遂有乘槎興秋風白玉京

不作悲秋賦猶牽夢雨情人心空懇迫天聽自昭明驟豈風  
能靡和非電與并雷懸廬阜瀑山映羽林兵已灑臨菑汗將  
漂石勒營循良慚召父調燮賴陳平方士田俱溉先生道可  
耕亂飄絲未理急點射方爭願補天無漏誰占坎不盈雲披

心屢折雷屬耳常傾未說千箱滿聊欣八極清幸令鵝  
貫死那恤虹仍橫銀竹森猶亞簷花落更繁昆陽萬矢  
盡滄海幾漚輕反照霞初散中秋月已生一杯相屬處  
憂慮洗東京

以崇正辯示新仲

不羨飛仙術仍修謗佛書知音鼓琴後覆瓿草玄餘龍  
象空相覺鳶魚祇自如更煩君印可底處認吾廬

酬新仲見和二首

自喜逢端友初蒙賞異書不譏吾好辯更請慎其餘術  
業須三代宗風謝一如與公俱目擊紙上亦蘧廬

蓬蒿翳環堵左右只圖書面壁知無累心齋諒有餘經  
綸今賈誼詞賦昔相如莫廣離騷意行看直禁廬

賦向伯共五老小山六言五絕

奇石來公几紫參差仙掌規模遂欲強名五老逍遙鵬  
鷗羌廬

聞說身依蓮社坐蒙勅賜薌林五老與公為六何須詩

酒棋琴

問法想應得髓好奇那復忘疲此石未同瓦礫者年直是兒嬉

山石詎聞變化蒼顏能復嬰孩想見輕葱秀色正如蘭玉陪堦

文簡風流未泯公孫節氣誰班當與臯夔佐舜莫尋黃綺商山

和錢孫叔委心亭二絕

卷三  
交衢塵霧祇相煎回首山林去未緣安得委心無一事  
陪公清話許忘年

寄傲羲皇以上人古今雖隔意常親聖時方欲詢黃髮  
未許公收致主身

奉家君自勝業遷居書堂久雨乍晴道中口占

五峯收卷萬層雲一水流通四海春南極有星天地久  
東風無際柳梅均

謝人惠春陵石山 辛酉

何人蹙縮九疑山，疊映公家几硯間。  
欲識神魚閤凝湛，試看雲氣出孱顏。  
新蒲已結根千歲，舊蘚猶窺暈一斑。  
舉餉敢辭歸載重，要將奇絕寄幽間。

和賈陶二老二首

已愧名邦忝仍無，秀句傳花光隨處。  
好草色與愁連訟，少庭常寂心間地。  
更偏先生肯乘興，一醉賞風烟。  
節物忽忽度邊烽，幸不傳名花空雨墮。  
秀樹已雲連孤負，杯蓮倒蕭條。  
燭蕊偏但欣民小泰，凝寢有爐烟。

和邢子友

可憐牒訟汨華年，賴有神交肯惠然。  
萬石同登高柳外，一尊相屬晚花前。  
浮雲空解遮人境，止水何曾染世緣。  
安得小舟銜尾去，風檣激箭不須鞭。

和趙生二首

徧遊南北與西東，欲訪人間國士風。  
處世甚疎皆笑我，宅心無累獨奇公。  
詩才自愧非三上，酒聖相從又一中。  
芍藥待開應且住，莫令清賞轉頭空。



冠月裾雲佩綠霞百年將此送生涯愁心別後無詩草  
病眼燈前有醉花落筆擅場聊寫意背山臨水遂成家  
也須南畝多栽秫休似東陵只種瓜

遊淡竹岩

岩好城還近山南路却西淡交同魯衛新釀到青齊桑  
密家家繭秧稠處處犂朱陵更清絕何必此幽棲

題賈氏超然堂

超然華榜照新堂兀爾忘機入醉鄉城外有山心共遠

壺中無事日偏長月留粉壁檀欒影欄俯水池菡萏香  
最愛南窗通北牖好風時送一襟涼

又題迎月亭

從來共惜隔年期刻却東山尚恐遲欲向塵中先得眼  
故應雲表屢揚眉停杯專待寒光舉起舞還愁素影移  
常與此亭相照耀更須佳什煥梁棖

和賈閣老三首

新柳逢秋葉尚陰晚蓮披露色難禁坐聽玉屑軒犀塵

靜對山爐颺水沉綠酒淺深皆有味白雲來去本無心  
辱公麗藻相留句且復追隨翰墨林

來朝杲日破頑陰共指秋成喜不禁寸碧遙岑供眺望  
長空飛鳥自消沉四時景物千鍾酒萬古功名一寸心  
尚媿先生遊佛海兩忘軒冕與山林

西雲十日結重陰葵策桃笙自不禁書帙有緣燈耿耿  
酒杯無伴雨沉沉君恩未報空懷祿民瘼難醫只媿心  
為問埜麋何處好鶯鳴雕檻隔長林

中秋寄賈閣老

香霧沉秋氣迷雲捲暮天金匱撩眼淨玉斧斲水圓無  
復霓裳舞空歌水調篇新亭偏得景一醉豈無緣

和彥達九日

滿頭黃菊闌芳妍人與秋光兩靜便試把杯觴論舊日  
未須筋力較明年詩慚戲馬臺頭客目斷歸鴻渚上天  
更愧白衣能送酒坐令彭澤意空傳

和唐壽隆上元五首

壬戌

滿城和氣在春臺  
玉漏沉沉鐵鎖開  
明月誰知千里共  
華燈同照萬人來  
市橋漸漲丰容柳  
江路猶殘的皪梅  
欲與先生拚醉賞  
未須歸去隱蒿萊

二

明月升天鏡上臺  
燈如蓮沼萬枝開  
恨無立部歌仍舞  
空有遊人往更來  
續法未能窺佛祖  
廢歌聊得繼歐梅  
壯心消盡嬉遊興  
矧復斑衣悵老萊

三

名章絡繹走陪臺得對春風一笑開樓外未知明月出  
袖中疑有夜光來秀如王子登門竹味勝曹公止渴梅  
已向歌謠挹和氣預知豐稔變汙萊

四

山褰雲色暗陽臺俄復晨曦萬里開行雨忽隨新夢斷  
春風還似故人來精神總屬陶潛柳變理須歸傅說梅  
已共此邦同樂歲更須躬稼辟田萊

五

幾年踪跡遠中臺夢想傳柑宴掌開懶擁牙旗穿市去  
縱看玉李墮天來從教獨照青藜炬莫使輕吹畫角梅  
也有江風浮綵巘坐令形勢卷東萊

寄題吳郁養素軒

到處風塵染素衣蜉蝣掘閱尚何知似聞掃雪開三徑  
可但移梅探一枝分我高山彈舊曲乞君明月斲新詩  
幾時把酒臨窗檻借問如何涅槃溜

和次山遊朝陽岩

畫船浮客到岩阿小閣經年又一過天遠恍如開翠幕  
江春渾似遶青羅雨晴風日山山麗花發園林處處多  
早喜四郊膏澤徧試從堯壤嗣農歌

和范元作二首

江北風塵靜江南水竹居世交論契厚歲晚莫情疎  
雪重培菊臨溪易買魚瀟湘有舊約相就不投書

二

仇敵何須殺調和乃妙機又聞堅誓約不用講攻圍六



月鵬南徙三春鴈北歸自知同斥鷃蓬艾且平飛

和李子楊題龍源田舍

舊隱今何許新宮定幾間紅塵昏北道青壁睨南山若  
擬崧和穎猶勝蒯與管居方二頃得我愛一生閒蔭石  
多雲樹行田有翠灣客來那更問門設不須關世味浮  
雲薄顛毛小雪斑功名當未免亦念早來還

又和湘濱卜居

聞道園池各著名起予歸夢過臨蒸已開塵外尋山眼

更曲堂中飲水肱有地且須多種秫好間何必苦邀僧  
杖藜他日端來去但恐公朝正與能

郭偉求鄙文

少時文墨已非工漸老才情更覺蒙空有簿書相汨沒  
了無朋友共磨礪功名也只浮雲似富貴還應逝水同  
寄語宅心何處所晚春沂上舞雩風

思歸八絕

天柱峯前又一區已聞松菊漸荒蕪近來更草歸田賦

敢以無功戀左符

昨日春風花滿山  
回頭秋葉錦斑斑  
終年竊祿慚憂寄  
何事遲留久未還

壯時嘗有意功名  
不覺星星白髮生  
眼亦漸花心更短  
歸興猶可事農耕

夜夢俞音出帝闈  
朝來江雨已生肥  
扁舟載酒吹長笛  
未減遼東獨鶴歸

上聖心唯赤子矜  
庶邦可以佐軍興  
自書政拙催科考

今古春陵復永陵

屢督平反獄易空深慚龍斷貨誰籠後來倘念全齊寄  
應築虛堂致蓋公

傳家素業祇圖書永日沉涵樂有餘方信此心無所著  
山林鐘鼎一蘆廬

畫角聲中歎乃歌野人應未許雲和扣船我欲廢餘唱  
更沐西風雨一蓑

和孫奇父

攬轡丹青久更恬掛冠高處靜尤厭情田不是年年熟  
世味安能種種廉虎鼠乘時爭用舍鳶魚適意自飛潛  
也應及取仙舟下同向南山看水簾

留別唐次山

占君州土負沉痾飽聽溪山欸乃歌季路漫傳能折獄  
陽城元自拙催科苟逃譴責恩波厚更喜逢迎廩粟多  
珍重老人分手意論文何日再經過

和次山贈別

牧養惟聞政失中  
菱棠深愧召南風  
却歸舊隱三家市  
回望耆儒一畝宮  
蕙帳我今尋怨鶴  
蘋洲君復送驚鴻  
別懷不得同杯酒  
西柄居然挹大東

留別賈閣老

熙朝侍從老堂堂  
和氣如春與物昌  
未見戎冠真楚越  
思逢傾蓋在瀟湘  
放懷繾綣情何厚  
憂世艱難話更長  
果有南山求問意  
芷蘭猶冀襲清芳

和任大夫贈別

未老先衰負疾憂敢貪榮祿尚為州已慚騷客能招隱  
更愧疲民欲借留斤斧且應存夜氣江湖那得獻辰猷  
新詩滿把珠璣重歸艇全勝載石舟

贈張德餘

平生骯髒孰如君破屋荒山飯煮芹不寐耿懷留落月  
有時扶杖看浮雲嚴平推測歸前定原憲家風飲舊聞  
欲挽鮒魚無氣力須知予是故將軍

觀碁

平地縱橫十九條古今爭向此中消乾坤二策歸皇極  
愚智殊途祖帝堯競勝鮮能思自活臨機誰肯暫相饒  
旁觀有著如當局敢道今無國手超

溪旁大楮為水所浸將蹶有感

樹引江流得自滋不虞波浪齧根基願言捧土加培植  
長蔭行人暍暑時

斐然集卷三



欽定四庫全書

斐然集卷四

宋 胡寅 撰

楊秀才書屋有墨竹一枝為其添補數葉五絕

老榦枯枝傲雪霜  
何人寫影向華堂  
為君補綴枝頭葉  
坐覺春風細細香

葉染青雲節抱霜  
一枝聊寄墨君堂  
故園根撥依然在  
會見龍孫脫穉香

穿壁扶蘇稍避霜，干霄形勢自堂堂。如何耿介琅玕色，也帶雙鴉寶墨香。

莫驚綠葉襯玄霜，更上幽人白玉堂。為與蒼官論久要，筆端應借遠烟香。

掃盡鵝溪匹練霜，未知三尺映茅堂。此君不是塵中物，何必區區較色香。

和叔夏歲除

新年節物推排有，舊歲光陰掃蕩無。白髮任教裝鬢換，

青春元自與心符  
茹芝休慕商山老  
舍瑟當睠魯國儒  
三益況逢天下士  
夷途從此得歸愚

和叔夏水仙時見於宣卿坐上叔夏折一枝以歸  
八絕 癸亥

玉質檀心翠羽衣  
寒梅開後獨當時  
一枝折得將誰贈  
想見花容出霧帷

梅後寧知花便無  
不從香草寄相如  
為君表出風流冠  
只有春蘭僅比渠

葉是青霞剪作衣花如靜女不爭時  
豈應更浥薔薇露  
揜得窺園不下帷

灑然仙意指虛無羅襪凌波定不如  
織女未忘銀漢會  
空煩濁水映清渠

蓀橈蘭楫芰荷衣嫋娜愁予二八時  
嫁與湘君捐袂裸  
玉搔頭映白羅帷

海岸仙人絕代無清揚白日坐如如  
若從妙色光香覓  
須信先生未識渠

萱草盈階是綠衣  
玉簪陪檻敢同時  
更餘濺水無聊賴  
都向仙姿共一帷

為花求偶豈全無  
梅與山礬姊弟如  
我已冥心薌澤觀  
何須江水對軒渠

寄唐堅伯

君詩平昔思如泉  
無事尋醫孰使然  
禮尚往來思報玖  
情深汲引屢拋甄  
豈能遽造忘言地  
應有沉吟得意聯  
待聽鐘聲撼清夜  
明朝紙貴萬人傳

遊元陽觀

矯首元陽觀崢嶸度十年忽逢塵外客因訪洞中仙橫  
躡脩蛇路低看破衲田縈紆篁竹嶺窈窕碧松川撫石  
齋壇古圍棋燒劫遷諒無翻榼術安得遠庖烟癖盡蒼  
麟脯彈餘別鶴絃晴香烘折蕊暝色繞歸鞭太白浮橋  
上孤燈炫馬前黃冠紛雨散紫蓋香雲連鳥爪休爬背  
鸞驂漫拍肩子真隨處隱何必大羅天

早梅

何事悲搖落空林有早春光輝一笑粲領畧萬花新看  
去疑山雪攀來效席珍妙香風送遠秀影月傳真肌冷  
冰難斲妝初粉未勻商量開瘦蕊刺得占芳辰

和堅伯梅六題一孤芳二山間三雪中四水邊五  
月下六雨後每題二絕禁犯本題及風花雪月  
天粉玉香山水字十二絕

折綿威力漫相侵根暖怡然獨秀林萬紫千紅非我對  
為渠無有歲寒心

間錯浮筠冷更嚴長松低顧拂蒼髯清標總是君朋侶  
桃李相望幾陸廉

欣逢冷艷破冬溫更待飛雲滌晝昏剡欲約君移酒處  
小橋斜過竹邊門

未開疎蕊著詩催依約蜂聲欲隱雷姑射坐中親綽約  
嶺頭空有路縈迴

六出誰人剪刻成侵凌飄灑正縱橫仙姿不賴相黏綴  
浣盡浮埃艷更明



潑落瓊華作雨濛  
迷離高樹映寒空  
莫尋雲外瑤臺侶  
且對尊前鶴髮翁

東閣題詩得緒餘  
溪頭千樹繞幽居  
來禽青李曾何算  
底事猶傳逸少書

清溪練練影全呈  
絕勝斜梢出竹橫  
便是霓裳臨曉鏡  
搔頭初插未行行

意態衝寒不自持  
桂華相伴亦多時  
未須細覩青春面  
且看扶疎寫影宜

疇昔黃金入漢宮只今嬌額為誰容  
嫦娥也覓孤棲伴  
併照巫陽十二峯

若道殘冬不是春洗妝那得一枝新  
杏園芳灑真顚顚  
爭似而今斂路塵

博山湯氣馥籠寒裛盡啼痕作醉歡  
賞去角巾從小墊  
接羅何惜一生酸

馬擴作亭湘江之上來求名以飲江名之

疇昔縱橫虎豹韜旆旌悠緬馬蕭蕭  
飽聞國士無雙譽

今見將軍第五橋秀句自堪消永日壯懷仍復在中朝  
樓前拍拍湘江綠安得從公舉一瓢

中秋雨

待賞今宵定幾人豈應於畢遽相親坐令華燭風頭捲  
却喜枯簷雨脚勻拱壁何妨藏鯁櫝湛銅那得蔽遊塵  
明年記取瞻銀闕萬里秋光景更新

憶端予三首

當年夢賚見清伊勁氣全歸目與眉髭亂已能莊語笑

嬉遊元只在書詩青松不及明堂用黃壤空餘白玉悲  
精爽有無何處去豈能知我痛心時

不知埋玉已經年忽值生朝倍黯然空向夢魂期遠大  
謬於方技覓安全翩翩翰墨留身後炯炯精神在目前  
桂折蘭摧千古恨淚痕那得到黃泉

兒解春秋首四  
段文字已成

不見佳兒正一年鍾情難遣故依然久知朝菌同年壽  
終惜童烏早棄捐篋裏詩書迷白日堂中珠玉墮黃泉  
汝翁去此知多少安得忘懷未死前

又題草衣岩

攜手童烏三尺強，已知經術勝文章。  
可憐不見凌雲日，迸灑西風淚幾行。

初冬快晴陪宣卿叔夏遊石頭菴過三生藏窮深  
極峻遂登上封却下福嚴最愛廓然亭靜憩久  
之乘興入後洞置酒雲莊榭徘徊方廣閣山行  
崎嶇不可以馬雖筍輿傲兀小勞尚勝騎從之  
煩也既歸山前之翌日復會於堅伯兄小閣同

安趙澗看北山餘雪披雲映日翠瑩葱殆難  
模狀因訪季父廟令歡飲而罷集記所見成十  
五絕

石滑梯山祇自疲誰云此法妙難思便教元亮荒三徑  
也勝楊朱泣兩岐

衣薪難以大留形破石空山浪予名倘信此心無起滅  
一身那得有三生

仰止春風潑黛山亦應秋色兩難攀祇嫌痼疾烟霞上

且愛陶鎔水石間

遊梁屐齒破蒼苔深沼筇枝駭蟄雷如海亂山爭起伏  
碧波直欲撼蓬萊

祝融朝日麗東天嫋嫋西風紫鴈前千玉散青攢疊巘  
萬雲流白漲晴川

大明遺甃已荆生列宿名橋但板橫宅險跨危能幾日  
空教孤兔飽經行

寶樓香殿隘空山都謝茨亭竹石間靜有客棋真掩映

悄無僧話更清閒

西嶺回看天柱峯却行山背蹴蒼龍雄奇未有詩章寫  
深秀惟將顧盼供

大林深護棟梁材蔽日韜風萬壑哀不見斧斤尋谷去  
只看薪樵出山來

茂樾初無一鳥鳴晴曦叅錯晝陰清楓林霜後未全赤  
岩菊冬來方自榮

大壑豁豁十里寬雲莊高榭渺雄觀西天日墮餘霞絢



南嶂猿啼曉月寒

誰聞玉磬即過門漫說金燈不破昏等是此身俱物化  
云何五百至今存

山北山南久問津瘦藤芒屨最相親  
況逢日下雲間客那用驢前馬後人

凍雨籠山秀木冰斜陽側鏡遠峯澄  
罷妝羣玉褰雲障寶髻珠花幾萬層

鞭笞鸞鳳地行仙變化鷗鵬背負天  
他日寓言真十九

只今功行已三千

題叔夏樂谷

君知至樂本難名何事猶令谷應聲  
植杖自鋤園草綠掛瓢時浥澗泉清  
了無歌吹娛賓從只有詩書養性情  
却恐仁人尚蒿目又須憑酒破愁城

和叔夏田舍三絕

尚恨山前塵土侵去耕山後白雲深  
下泉不使苞稂秀夫子寧忘濟物心

作塢辛勤雨更遲  
枯槁誰語漢陰知  
不嫌機事侵純白  
一日何妨灌百畦

日望雲霓手握苗  
何時能和快哉謠  
不如且種陶公柳  
贏得長飢舞細腰

又和松碧軒三絕

欣此幽居惜未深  
時褰芳秀浣塵襟  
棟梁自是君材器  
鐵石空餘我寸心

聞說鋤耰手自持  
力耕初不願天知  
却防有客携壺到

杞菊應添一兩畦

新陂剌水沃良苗想見當時相杵諺尚有荒餘須快犢  
何須塌具更懸腰

和竒父壁間留題

竹杖輕堅野服寬歲寒應得見蒼官世情無限殘霜葉  
昨日青青今日丹

冬至前半月赴季父梅花之集與韓蒲向憲唐幹  
諸人唱和十首

今年共嘆物華遲  
春信孤根獨早知  
未到書雲十五日  
已看綴雪兩三枝  
寒香宛是臨風好  
冷艷還於照水宜  
莫待江頭千樹暗  
只今携酒正當時

天寒袖薄竹光侵  
溪轉橋橫草閣深  
妃子定應來月窟  
寧馨誰說是瑤林  
顏開玉色春光滿  
香動冰姿冷不禁  
漫道江南好詩句  
只誇紅蠟與黃金

南人慣識賞來遲  
北客相逢勝舊知  
何必粉圖爭畫樣  
更勞錫糝亂粘枝  
天饒絕品千花外  
人換新妝一笑宜

佳句定非橫笛比溫存疎藥半開時

不管霜威日夜侵肯教飛蝶到深深  
六花漫爾呈三白  
一萼居然映萬林  
軟玉香冰空自惱  
芳心愁思遣誰禁  
市橋江路風流別  
枉費千顰買笑金

追陪強韻思猶遲  
寄語疎林恐未知  
酒半尋香攀近藥  
夜分然燭照高枝  
莫愁花浪翻天遠  
且看鮫綃剪玉宜  
冠冕衆芳歸獨步  
固應桃李不同時

冰圍風戰雪交侵  
方是春工屬意深  
綠萼已開栽樂谷

一枝那得寄薌林，依然照水如相媚。繁者巡簷也未禁。

香白檀心誰解賦，賴公戛玉更撻金。

薌林近書云病起方能策杖探梅樂

谷昔與薌林

為隣故云

好花不恨好詩遲，國色須蒙國士知。漫比玉容歌璧月，空將鷺羽鬪瓊枝。旁無綽約天仙對，中有甘酸鼎味宜。聞說北枝開亦徧，一尊相屬定何時。

愛花從使二毛侵，嘆賞孤高與靚深。調護臘前珠結藥，蕩搖年後玉成林。莫教三弄飄飄落刺把，千篇得得禁

姑射肌膚最溫潤夜眠無用辟寒金

的皪凝情開自遲風亭微馥許君知直須藉草傾松葉  
絕勝登樓唱竹枝韓壽香囊難取似何郎粉面且隨宜  
豈知萬顆垂黃實擢秀前村夜雪時

不辭開後苦寒侵為與騷人托契深可但風光回歲律  
更分華色換儒林欲歌白雪詞難和試挽幽香力尚禁  
等是美名無玷染臘梅何事色如金

和彥達至日木冰



千林木稼苦低垂惟有長松不受欺  
蘭雪方懷蕭慤句  
河水還讀鮑昭詩卧聞寫竹驚殘夢  
戲折寒枝調小兒  
寄語達官不須怕  
免旃戈甲渡淮師  
隋蕭慤冬至應詔詩曰除雪出  
蘭栽鮑昭至日本氷詩曰  
長河結闌干層氷如玉岸

寧鄉有感與仁仲彥達同行

太和薰宇宙王旅不親征  
鴈北同兄弟鶯遷得友生  
正便春入望莫厭雨稽程  
何限山花發遙看為擬名

過益陽

僑寄家連楚歸遊鶴背衡川原漸舊國鮭菜慙平生淮  
海風難定江湖浪豈平春融一杯酒下馬且同傾

和仁仲過瀆江

瀉山未暇往石磴上雲端初識清修路遙憐菡萏寒野  
寬耕僅有民殄政猶殘總使林泉穩那能寢飯安

小廬山一

名芙蓉寺  
曰清修

遇雨晚宿和彥達

天以春歸野雲將雨暗山三人行甚樂五字句何艱每

喜詩償債還須酒破顏禽聲接芳樹和氣亦闌闌

出益陽和仁仲

兀夢三山馬投鞭四壁家暮天雲潑墨春樹雪添花遊  
宦初無補歸休漸有涯渺然江海興篷笠釣烟沙

夜大風雪次日快晴

造物非難料寒溫本一家衝風來雨雪暖日放鶯花行  
矣春方嫩悠哉興未涯蘆蒿媚烟渚荻筍破江沙

過鼎澧

沅澧春風拂馬鞭客愁何事四無邊於今榛棘三州地  
自昔坻京百姓天安得鳴雞連比屋空餘歸鴈落平川  
一觴莫酌懷沙魄且對桃紅李白傳

和仁仲過五溪

沅水千年非舊波英風元自振關河本懷國士知心早  
豈念檉函挾恨多龜固有神寧豫罔鴻雖高舉畏虞羅  
椒蘭從古能如此何有沉湘作九歌

和彥達至公安

未識南陽有卧龍阿瞞先已畏南風如何赤壁分三國  
不向神州決兩雄營峽晚圖千慮失截江初意一九封  
蒼茫漢日西南落莫道無由却復中

和仁仲至荆門

虞帝當年闢四門三苗那更蠢迷昏茫茫舊楚祇芳草  
處處朱樓空斷垣不願耦耕招素隱要看良耜接深村  
韓公守戒誰能用虎豹難憑折柳樊

清明風雪小酌莊舍示黎才翁

月厭梨花墜風扶柳絮新故園寒食路回首踏青人萬  
竅方號籟千山忽湧銀擁衾聽窈眇舉盞寄經綸浩蕩  
寰中意逍遙物外身賡歌咸當律謔浪亦淘真又理沙  
邊棹將浮雪後春蘭亭非達者空嘆迹成陳

拜大父中大塋和彥達

仙翁真氣與神遊宰樹叅天也不繆悵念青春家塾日  
共聞規訓有源流

和彥達過先公舊居有感

論文數學兩髻年訪舊同來雪上顛我步鯉庭心欲折  
公登龍坂足何緣後凋尚喜無雙士不韡真慚大少連  
桂楫又浮湘水去家山回首共悽然

和王泉達老餉笋

穉龍狐介亦駢闐不比花媽與柳眠雪裏頓超千佛地  
風來應上四禪天飽叅玉版頭頭是秀出薌林箇箇圓  
知我遠庖薇歛少倒籠登俎共便娟

留別王元治師中譚純益三首

兒釣童遊幾夢思春風千里恨歸遲君今舊隱治三徑  
我尚他州寄一枝載酒猶慚來問字對花深欲共論詩  
不堪又聽陽關曲想見醪醕噴雪時

幸不當官也去思春江風日正舒遲少留畫鷁呼桃葉  
捲盡紅螺看柘枝三爵勸酬三益友四并除掃四愁詩  
渭城景色朝朝是不用丹青李伯時

欲步夷途盍近思行尋捷徑却成遲大昭不必穿楊葉  
古樂何曾唱竹枝須信孔門無用賦也知高叟漫為詩



功名易立書難讀努力當乘少壯時

酬師中見和

亂定誰人不土思如何鄉井尚陵遲莫嗟釣艇重湖隔  
終待書堂一木枝彼美獨高鸚鵡賦孔懷均契鵲鴿詩  
願君再起臨流閣約我花汀柳岸時

兵火後惟我二家兄弟無故而師中

近日聲律甚工

酬任正叔見和

莫嗤文子動三思我亦今來去魯遲潦草荷鋤開菊徑

殷勤持酒對花枝  
韋編舊服精三易  
絳帳新開講四詩  
把釣不須嗟歲久  
大魚端有上鉤時

岳陽樓雜詠十二絕

沅澧瀆湘此並行  
漲流洄薄又東傾  
西南或與天為際  
禹貢如何不記名

朱樓深穩可憑欄  
萬頃波光一日間  
不見鷺鴻偏鳳髻  
空餘天鑑寫雲鬟

黃帝釣天曲未終  
至今烟浪舞魚龍  
臨風更欲吹長笛

搖蕩波心碧玉峯

祖龍遊豫亦荒哉風折雲颿促駕迴一怒赭山何所損  
依然蒼翠似蓬萊

代馬超江又飲湖湖中今有卧龍無青虵袖手將何用  
漫說飛仙膽氣粗

汨潭桂酒奠三閭尚想夷猶泛五潞進退存亡皆有義  
懷沙處死是何如

玄德驍雄世所知蛟龍寧肯在汙池館于貳室謀何陋

借與全荆意自奇

風烈言言滕子京豈於荒怪未全明  
尼姑狡獪遙相幻  
雷電那知有姓名

有時風浪戰城西何啻漁陽萬鼓聲  
狎水蚩蚩忘墊溺  
誰人能續偃虹堤

大手文章浪得名佐王功業亦何成  
獨餘不證元忠事  
努力還因宋廣平

李杜詞源廣更深數篇春漲渺雲岑  
爭如一首修樓記

妙寫仁人出處心

范公才具濟川舟翰墨居然第一流每向遺文窺遠意  
願言憂樂繼前修

泝江濡滯

何處難忘酒舟行不進時漫流迷緯道數日誚篙師近  
樹久猶見遠山都未移此時無一盞吾意亦紆遲

和仁仲舟中三絕

異代紛爭戰伐多樓船羸負倚蒼波如今天險如平地

敵國深謀只用和

支川千百欲歸東不得江湖不會同可但中流能擊楫  
也知高浪要乘風

湘君誰識是皇英占得君山冷淡青月滿湖平相照處  
姮娥應得見娉婷

歸次湘西元作以詩見迎和之

十載重湖閱使星坐令疲瘵灑然醒從來駿足輕千里  
豈但詞源蕩四溟笑我林間投倦翼辱公江上訪歸舲

南山幸有為隣約何日來分一半青

賦永寧嚴老幻菴

物理初無妄云何以幻觀得非心有礙坐使肉生癥日月當天久山河著地安波斯不別實學道古來難

題淨明觀用舊韻簡黎才翁

得酒相逢笑絕纓而今雙鬢不全青蓬萊尚說三四淺何況方平與蔡經

示詩僧了信

伊誰遣了著袈裟幸自同源又一家尚喜深山閱珍璞  
曾看枯枿桀奇葩空言組繡真無用實際津途亦易差  
衣敝履穿頭欲雪定於何處作生涯

春雪甲子

北客南來十五春今年春雪妙洪鈞梅花著子無堪比  
柳絮藏條未有因何限萌芽煩蹙縮幾多峯嶺倦顰伸  
紅桃頰面還添粉翠竹垂頭詎辱身爭似松枝擎菡萏  
恰如桂魄淨埃塵無人敢琢非牢玉有客曾歌是爛銀



一夜東風吹地匝  
四簷甘雨落階勻  
天公變化誰能測  
坐看郊原景物新

謝諸友見和

飛雲三日太欺春  
撲地鵝毛積萬鈞  
沙上幾人迷去迹  
風前何處問來因  
諒非天造夸工巧  
當是神機有屈伸  
松竹未應寒改操  
龍蛇有喜蟄存身  
綠窗朱戶偏饒色  
瓊樹瑤林不染塵  
笑粲爭妍人似玉  
狂歌先醉髮如銀  
方看衣袂天花集  
俄見庭除木屑勻  
多謝衆詩相映發

筆端六出更尖新

和李生九日二首

節物休驚木葉催相逢佳節興悠哉  
尊如北海聊同醉菊傍東籬也自開  
烏帽任教吹脫落紫萸仍得看徘徊  
諸君合有登高賦為繼當年戲馬臺

騷客悲秋心易催主人醪醴正時哉  
登高何必仙家術酬節聊憑笑口開  
鳳嶺勝遊詩自好龍山高宴首空回  
獨餘眇莽梁園念想見黃花滿吹臺

過明田寺會楊李二生於碧玉三首

已宅連延紫蓋椒尋山依舊不辭遙借床未暇桑三宿  
解飯還須水一瓢風外野雲俱淡蕩雨餘秋氣亦蕭條  
故人適有登高約又拄枯藤過堊橋

騷人空自怨蘭椒更遣招辭歎遠遙爭似夷齊飽薇蕨  
每同嵇阮醉觚瓢清歌窈眇成珠貫仙步虛徐按玉條  
最憶向來携手處雲平溪樹水平橋

漿酒香浮桂與椒此間誰惜馬蹄遙愛君澗壑沉吟樹

笑我江湖濩落瓢前日好風猶泛座只今零露已盈條  
東山妓女誠何算頗羨周郎得小橋

楊携後房侑酒李  
方再醺而深鄙之

和叔夏視穫三首

閒客何如樂聖時欣聞威鳳再鳴岐且將詩筆耕堯壤  
寧記書囊集漢帷日錯碎金歸埜菊風欺危綠戰棠梨  
殷勤雲將豐年問無奈鴻蒙謝不知

莫嗤公子務農時后稷生民亦疑岐稻割黃金鏤似月  
汗揮白雨袂連帷願趨座上難和黍未種胸中素與梨

此樂若嫌兒輩覺後知何以賴先知

天賜豐年豈不時  
閑公荒度傲徂岐  
經丘烈日能焦扇  
獨夜秋風已泛帷  
豈愧石兄推竹第  
聊斟杜酒破張梨  
過門若有樊遲問  
老子於中正遍知

和叔夏遊雙峰二首

有佛留深境無僧闡大音  
殷勤五字句搖蕩衆香林  
自適登臨興誰窺隱顯心  
從來多暇日悔不早追尋

二

山擁交加翠風傳瑣碎音想聞尊有酒待得月穿林真  
樂難陪席蕪詞漫寫心要須專一壑散策每相尋

阻雪慈雲有懷叔夏

常恨山陽少籃輿故出郊玄冥方北驚屏翳又南交勁  
氣將凝海寒威便折膠白雲揉盡碎黑壤勢全包著袂  
成花唾沉波異雨泡萬方齊穢潔一潤浹肥磽比色羞  
鉛粉量多誚斗筭禱神休真壁謝佛寢鳴鐃獨鶴驚羣  
舞晨雞誤曉嘍峯巒蒙似禿溝隴劃如孤巧謝鹽相比

甘宜蜜共抄戾天鳶凍跼嘯壑虎飢號  
意以連車載珊瑚列樹敲鮫綃從剪製  
火布任焚炮墊漫鱗鱗磧林攢翬翬  
巢頗思馳駿足快意舍鳴鶻及遠翻銀  
鴈搜潛動玉蛟出畋瞻翠被入賀聽紅  
鞘瑶席瑚玕器珠盤瑯瑤肴一時簪排  
藻相與藉瓊茅莫計消并積聊平凸與  
凹可憐詩繫帶更有火烘散斷手超三  
界堅冰工六爻飛靈終見覲素饌闕盈  
庖疊嶽方名假團毬未忍拋要看朝日  
杲思達泮泥渚對飲宜空榼離羣奈繫  
匏似聞

梅雪在猶冀挽香梢

雪中寄黎才翁

寒日已無暉  
飈風更擅威  
暝山雷虺虺  
陰壑雨霏霏  
酒綠思同酌  
爐紅憶共圍  
不辭泥徑遠  
要看雪花飛  
天與人情契  
春從草樹歸  
幻成銀世界  
偷取日光輝  
安得千金舞  
來翻六出衣  
南枝香破玉  
別有好芳菲

和奇父叔夏雪五首

不須十日照胥教  
且要仙花麗隰臯  
集霰果然歸望望



同雲因得蔽高高輝山玉璞韜虹氣亂眼烟霄隘羽毛  
欲叩小齋拚醉賞最憐纖玉勸持醪

誰能逐獸搏于教敏捷詩才笑魯臯桂魄梅花俱自好  
海山銀闕兩相高回風最愛翻雙袖潤物全勝拔一毛  
打底和成真少味空慚清耐映甜醪

懶把冬雷問告教休將玉雪試方臯但驚梁苑風流在  
難繼陽春格調高宮女妝梅皆妬色仙山花石總冷毛  
自慚涸思無多子糟粕何由更取醪

乍霽初離房與教又看雲氣壓神臯崑岡屢得因心友  
東郭真慚舉趾高最愛謝兒方柳絮可憐漢使嚙羶毛  
水晶鹽是何人得拜賜曾同御縹醪

善遊不必慕閭敖避雨休尋夏后臯共喜九天羲馭整  
要登千仞祝融高交情自分居龍尾酒算何妨劇蝟毛  
聞道雷池尚殘雪且携茗盃罷壺醪

和奇父竹齋小池及遊春五絕

乙丑

虛齋要使暑天寒移得扶疎愜靜觀不但好風生殿角

已應春筍鬪春闌

綠竹叢邊築小塘  
泉來何處已泂泂  
未涵北戶星辰影  
斗覺南風藻荇香

不瞻犀柄動經旬  
忽報巾車獨輶春  
曾作天津歌酒伴  
此間誰是識花人

春事已驚飛柳絮  
香醪何日釀松脂  
要平萬點風前恨  
莫遣千鍾醒後知

東風不放兩般春  
只繫胸懷故與新  
為問漆園蝴蝶夢

何如沂水舞雩人

和叔夏十絕一宿雲峯寺二到韓公莊三飯草衣

岩四泊東禪刹五六七八遊碧玉泉九訪楊秀

才十叔夏思歸

醉騎生馬却扶輿雪灑春衫二月初行樂偶從山寺始  
他年重到未成虛

久聞人境寄陶廬深約同遊駕小車文舉舊傳樽有酒  
馮驩寧歎食無魚

前僧已著草茅培後死猶來瘞骨灰一醉劇談非為爾  
自澆胸次有崔巍

馬飢人困日西昏無限歸鴉已著村記取東禪風雨夕  
卧無床薦闔無門

不惜衝泥步步前為聞幽處有明川峯回路轉酬勞客  
一派琉璃春正妍

跨溪臨岸各清真上客來臨景更新幽樹好花脩竹色  
相鮮浮動鏡中春

種竹何時匝兩垠只今疎翠已情親  
會看染合金溪影  
照映來遊碧落身

謔浪瀾翻間詆訶絕勝歌舞婆娑解  
頤為聽談詩妙  
脫腕空傳草檄多

莫笑田翁不任真好賢留客意殊親  
海棠半拆山丹重  
京洛何曾遠客身

重按東臯豈自歸曾聞歸思勇如飛  
只因昨夜沉香帳  
蟬飢黃綠金縷衣

赴宣卿牡丹之集和奇父二首

勝業看花暖正繁  
玉仙洪福且休論  
初筵愛客尊俱盡  
落筆成詩水共翻  
京洛追遊真似夢  
風光流轉絕無言  
武林亦有西池否  
安得姚黃奉至尊

移得仙丹手自封  
護花雲結秀陰濃  
未嫌芍藥爭時發  
却有酴醾作酒供  
喜見典型開朵朵  
寧須緋紫計重重  
定知禾黍勝桃李  
何似犁牛問老農

和子楊雲峯留題

夙有水雲趣倦遊塵土間  
衝山為誰秀几案我江山

題能仁竹軒竹皆貓頭也

負崖臨壑幾千竿掩映虛堂繞曲欄  
森矗翠幢參玉槩  
毳毼綠鳳戲青鸞三冬已見龍孫起  
六月猶使虎嘯寒  
置酒會歌狸首節要令鼠子不相干

和彥達

扶藤有興即東西不用花驄向月啼  
閒看浮雲倚危嶠  
靜臨流水瞰寒溪過頻幸樂雞豚社  
歸暮何憂虎豹蹊



肯似世塵名利客班荆折柳悵分携

上封登高

今朝的是重陽獨步崔巍覓醉鄉飽日山楓千樹赤  
絢秋岩菊一枝黃幽禪出應耶城供倦客來迎宴寢香  
閒讀舊題嗟歲月功名回首鬢毛蒼

題石頭菴

剝落烟雲秋晚晴身心無累此間行正聽萬壑松風滿  
想見西南新月生

送姜醫與能仁西堂印老能仁韋宙讀書之地

韋公挾策漫荆榛  
牧子亡羊也未真  
百疊亂山秋思杳  
半岩脩竹歲寒親  
不須招手遊蓮社  
且可冥心舍筏津  
山芋畦蔬正味好  
餉君薑醢助芳辛

和唐堅伯留題莊舍

無端世故若連環  
獨未忘懷畝間  
不問落花隨水遠  
最憐脩竹伴人閒  
非求垣屋須窮僻  
自愛巾車得往還  
已諭耕奴多藝秫  
免教華髮變朱顏

卧看月落半瑤環起喚清風紫翠間  
玩意詩書千古樂  
放懷天地一身閒  
幾多倦鳥歸何晚  
無限浮雲去未還  
不向此中真得趣  
更論盤谷與商顏

和趙用明梅

淨几寒窗日脩然  
萬慮忘詩筒忽到手  
花信已催妝  
茅舍斜斜約水溪  
短短牆仙膚下姑射  
嬌額映昭陽  
崔竹翻新畫  
龍涎出古香  
有金攢藥細無綠  
認條長  
慰薦騷人寂  
挑撩酒態狂  
雪遊空泛剡  
蘭佩在沉湘  
隔屋吹生

麝盈枝縱夜光詎能煩驛使聊自占年芳  
渡盡鴻飛影  
迎開柳帶黃繁華收拾後結子又先嘗

再次前韻

經年與花別花意不相忘綽約素情在  
掃除時世妝  
楚人輕剪伐北客護垣牆半樹竹亭亞  
幾株溪水陽可模  
非絕代難學是生香當結珠宮伴休吹玉笛長  
賞心甘  
爛醉被惱漫顛狂正當映喬岳未應浮碧湘  
松筠共瀟灑  
雪月佐輝光自保孤根暖寧隨百草芳  
遠天方絢白

細雨便垂黃  
佳實收功地  
君羹必可嘗

用明有携酒賞梅之約久而未至復和以督之

美酒名花並無情  
即易忘小槽應注瀑  
大樹欲殘妝  
雖則通達道  
其如隔繚牆  
寄人慚大庾  
求伴媿高陽  
好傍枝間醉  
時聞釀面香  
已勤賡唱久  
未覩肆筵長  
月下踈疎映風餘  
片片狂可憐  
花似雪那得酒如湘  
夢作瑤林去  
斟浮玉  
掌光八仙當  
避席百卉定羞芳  
莫待松醪碧  
休尋蜜萼黃  
風流貴公子  
火急傲原嘗

和用明梅十三絕

的皪輕臨宋玉牆  
世間顏色盡凡妝  
病夫欲作天花觀  
無奈時時得暗香

若道南枝春信微  
如何開向雪飛時  
却堪謝女因風句  
休詠楊家膩肉肥

寧須較短復論長  
拖白施朱亦兩忘  
有羨廣平能草賦  
病來無緒不成章

雲消天氣一番新  
水際逢春淑且真  
未信長安多麗者

定知空谷有佳人

綠萼全勝紅萼好新枝爭亞舊枝長賞心未減春風蝶  
傍藥穿花栩栩狂

半開何惜恣追遊最怕風飄萬點愁倘是仙山有真籍  
待憑方士更遲留

要寫橫斜臨水枝應從淡墨見依稀畫師未必傳天巧  
爭似西廂月影微

玉管吹殘滿地霜去年遺恨不能忘還來月下呈疎影

先向風前試晚妝

寒梅應不是甘棠我輩為詩豈面牆便對雪霜矜節操  
未妨雲雨下巫陽

漫說瓊花淮海陽要知蘭蕙不能香人間草木如相對  
寧遣詩仙引興長

醉把天葩嚼藥香筆端翻水趁詩狂結成却薦和羹鼎  
妙手先從錡釜湘

公子曾遊翰墨場詩成寒律帶春光杯中竹葉悠悠夢



句裏梅花字字芳

指數春回驅歲寒催令花落鼻先酸要須晴昊開芳草  
亂插繁華足意看

和趙廟欲携尊賞殘梅二絕

為惜紛紛作雪飛忍看桃李便芳菲小瓶留得春風面  
尚可携壺一醉歸

離離疎蘖抱寒條開晚渾疑雪未消風雨助君慳且澁  
吹將詩句淡相撩

出門偶成

飯已柴扉手自開杖藜三徑久徘徊忽驚無雨溪流漲  
遙認他山雪浪來葉暗青雲環舍竹樹團香玉繞池梅  
春光已近宜行樂未怕年華冉冉催

寄竒父

似聞北舍與南隣各向西疇答問津獨使丈人留閨寂  
更無佳客奉光塵思公待泛山陰雪破悶須携麴米春  
往行前言未多識古來元重老成人

携酒訪奇父小酌竹齋以詩來謝次其韻

優游林麓避塵沙杖策巾橫一幅紗却老自燒金鼎藥  
醒心時進玉川茶鉤窗愛日頻遷坐蔭竹流泉屢滿窪  
當記此歡同醉處歌折柳舞傳巴

和奇父再寄首韻奇父易用

酒影何時有畫蛇燈光不必罩紅紗幸能真率時添菜  
未憶柔纖笑捧茶世路風波常起伏醉鄉田地絕隆窪  
愛公詩句如清瑟自比流魚感瓠巴

碧泉芍藥四首 丙寅

暈紫層紅各自花  
翠痕稠葉整還斜  
有情豈必含春泪  
自是殷勤管歲華

林影溪光風力微  
黃鸝隔葉轉還飛  
從教萬點飄浮去  
賴有庭花願不違

春事紛綸去槐陰  
襞積來此花方靚  
麗待我正徘徊墮  
砌晨霞爛凌波錦  
帳開有懷能賦客  
把酒獨登臺

樂水頻頻到尋花  
特特來餘春初自  
媚清賞未能回雨

裏仙苞重風扶秀臉開寶刀移造化單葉變樓臺

三月晦和唐人韻詩云三月正當三十日風光別  
我苦吟身共君今夜不須寐未到五更猶是春  
一氣沖融轉大鈞四時舒卷見全身若云春向晨鐘斷  
須信詩人未識春

和堅伯碧泉留題

欲濯冠纓塵垢侵梁亭橫占一源深碧紗演漾蒼魚色  
黛白因依翠木陰疏沼宜惟三鳳飲買山初聽一龍吟

請君莫惜來遊屢耆舊風流尚可尋

和毛生瑞香

久雨妨園涉奇芬待客吹今朝寒翠幄晴日麗繁枝一  
一花相簇翩翩蝶未知薰篝蒙紫錦香過每輕披

贈劉仲固

恭惟事契逾三紀一醉昇州十八年回念壯遊多契濶  
欣逢情話重留連珠庭骨相封侯在金奏詩章落筆傳  
預恐西風送離袂莫孤南阜好林泉

謝彥脩携具見過

識字深慚揚子雲  
載醪何以塞殷勤  
山騰海浪兼天碧  
雨薦秋聲映燭聞  
秘藏未能窺佛界  
劇談聊足張吾軍  
浮蛆玉色人間少  
判却陶然引十分

和彥沖晚飲

北澗霜翻浪南山翠竹堆  
早酣隨夢斷晚酌傍池開  
莫放清歡闕從教急管催  
精深與雄健剩欲見天才

和彥仲長汀銷留題

瘦馬鞭猶懶長亭室正虛  
五言留敗壁一飯飽新蔬  
閱世但如許浮生寧願餘  
茅簷與藻梲等觀是蘧廬

和彥沖雲際院留題

久聞幽寺渺雲間且向新詩見一斑  
不羨寶華承白足最憐澄水漾秋山  
飛車要度重重嶺繫艇還思淺淺灣  
彈指大千何遠近却將遊想付無還

和彥沖茉莉二首

易刻無瑕玉難勻不汗妝有誰同  
素絢無物比生香寶



靨三年笑永肌六月涼晚蘭何足佩懷瑾枉沉湘

二

謫墮天仙子生憎袷服妝華雲油潑碧花雪麝開香晒  
喜金鴉熱洗宜玉井涼芳根如可乞携取詫娥湘

和彥沖新涼

河朔時堪擬溟南意懶圖相羊逢勝地瀟灑似精廬暝  
翠千山合芳紅一雨濡跳金魚亦樂爍石暑全無昨夢  
睽神女沉疴問鬼吏無輪生四角有憤反三隅方羨溪

卷四  
塘滿俄趨岸柳疎共欣甘入稻仍喜脫歸蔬歌舞還縈  
座盤肴不趁虛放言庸喋喋引醕願徐徐有客敦農圃  
多憂出賦租但教魚菽具何必困倉餘來卷千鍾盡歸  
乘萬竅呼御風非數數愛酒亦如如

小飲武夷道士吳之奇竹坡兼示章副觀

福地今身到玄天舊迹非溪聲寧有謂山意了無機儼  
立千雲纛同來二羽衣酒新良可飲棋妙不須圍

遊武夷贈劉生

六曲晞真館千松奪秀亭回橈失相值載酒約重經小  
雨裝圖畫紅塵隔杳冥更煩橫鐵笛吹與衆仙聆

十二月二十一日見雪於籍溪

何事團爐一笑諱窮冬纔許見瓊花細論剪刻誰能解  
欲關輕明豈易加且共落梅紛沼鑑未須融玉掛簷牙  
知君素有陽春句可但梁園著賦夸

謝道醇見和

畏佳于喁處處諱先春吹出萬林花要看臘瑞三番白

寧許霜威十倍加  
瓦隴未平俄淅瀝  
冰池難合漫槎牙  
若嫌吾土山川暖  
蜀客相逢尚可夸

二十七日立春夜雪高下盡白  
閩中所謂大雪也  
曉來兒女共誼譁  
喜見東風颺水花  
鶴羽賜衣方一襲  
小巔冠玉已三加  
高眠有客關蓬戶  
低唱無人拍翠牙  
白帝出遊應最樂  
月旌蜺旆正豪夸

二十八日快晴

陰機誰使弄譁譁  
標彼無梅漫有花  
銀海夜潮猶未落

火輪朝馭早相加應慚餘潤歸麤麥未怯隆寒戰齒牙  
莫笑鬢毛輕點綴龍鍾姦點兩矜夸

讀禮至五十始哀有感示彥沖

虛齋永晝玩陳編千古昭昭尚有傳昨夢飽經全盛日  
此生俄歎始衰年不須把鏡刪鬢雪且願疏封拓酒泉  
咫尺劉郎住仙境桃溪應許刺魚船

和仲固

多謝春風吹雨晴出遨今日計初程去隨碧澗襍襪上

歸興閒雲澹沲行順理以觀皆有趣會心之樂最難名  
山間桃柳寧知此斂笑舒顰亦自情

春日幽居示仲固彥沖十絕

丁卯

映空微雨不成絲約勒桃花欲動時爭奈東風有情思  
曉紅輕笑竹邊枝

碧沙承水漾嬌春弱柳縈烟作淺顰正好追尋沂上侶  
未須攀贈灞橋人

殘梅昨日尚盈盈一夜溪橋風雨聲不是微酸注香蒂

箇中幽恨即難平

人日春愁連上元  
薄寒吹雨罩花村  
傳柑說道昇平復  
夢斷黿燈放五門

微茫烟澹見人家  
四合青山雨遍遮  
畫出江鄉二三月  
河豚安得配蘆芽

花事先從桃李來  
海棠紅杏即相催  
化工節度重重好  
護得山丹最後開

紅含宿雨兩三枝  
淨插銅瓶浥注之  
不是靈芸初一見

也非迷路武陵時

晚菰爭上碧瑤簪芥也芳心苦復甘未見菜頭論白黑  
何人携鉢肯同參

菊本離離趁雨栽杞根成壠更深培詩人自古無供給  
倘有敲門載酒來

染溪曾是竹千竿歲久生鱗化碧灘賴有龍孫振根撥  
且須深蟄捍濤瀾

斐然集卷四